



PACTO ELECTORAL DI UPP CU E PUEBLO DI ARUBA

**Puntonan determinante pa un participacion di UPP den
gubernacion di nos pais.**

Union Patriotico Progresista

www.UPPAruba.com



PACTO ELECTORAL DI UPP CU E PUEBLO DI ARUBA

“Progreso pa Aruba”

Respetable Cudadanonan di Pais Aruba,

Union Patriotico Progresista (UPP), como partido politico social democrata cu ta aspira pa defende realmente e interes general y traha na bienestar di e Ciudadanonan di Pais Aruba, formando parti di Parlamento y/of Gobierno di Pais Aruba, ta haci un compromiso real cu e Pueblo di Aruba, a base di cual UPP ta priminti di cumpli cu e “Pacto UPP-Pueblo di Aruba” y cu UPP lo garantiza cu Bo voto ta un voto pa progreso pa Aruba.

UNO: BON GOBERNACION

- Introduci leyman di “BON GOBERNACION”, reduci gastonan di gobierno na un forma responsabel y percura pa estabilidad financiero, basa riba “zero waste”;
- Introduci leyman a base di cual patronahe politico ta bira castigable “zero corruption” y reparticion di tereno y trabou dor di gobierno lo ta uno husto y imparcial;
- Cambia e actual dialogo social den un Dialogo NACIONAL efectivo cu participacion efectivo den e Dialogo Nacional cu participacion di TUR sector di nos comunidad incluso partido politico cu of sin representacion den Parlamento;
- Garantisa y conserva Status Aparte di Pais Aruba.

DOS: DESAROYO ECONOMICO

- Duna sosten na tur iniciativa responsabel y realistico cu lo por hiba na un reduccion di nos tarifanan di awa, electricidad y combustibel, manteniendo nos planta nacional independiente y sin afecta e ret nacional existente;
- Den cuadro di nos filosofia di desaroya tur distrito na Aruba segun nan potencial economico, lo desaroya San Nicolas e.o como un destino turistico nobo internacional Caribense, establece e haf di container na San Nicolas, establece un dry dock pa reparacion na boto- y barconan;
- Estimulacion efectivo di nos economia, entre otro mediante un maneho profesional riba tereno di nos turismo pa logra cu esaki florece durante henter aña;
- Stimula e sector di construccion door di construi mas casnan social;
- Stimula y sostiene empresarionan cu vision y creatividad, particularmente di esnan hoben, cu ta bin cu iniciativanan nobo cu por hiba nos na crea mas pilar economico nobo.

TRES: ARUBIANISACION Y PAPIAMENTO

- ARUBIANISACION, transformando nos “Pais Aruba” den nos “Patria Aruba” unda nos cultura, norma y balornan, mescos cu nos idioma PAPIAMENTO lo ta e motor principal di integracion y union di e comunidad Arubiano den su totalidad;
- Restriccion temporal riba e actual maneho di admision te dia cu baha e cifra di desempleo na zero y despues bin cu un maneho responsabel di admision teniendo cuenta cu grandura di Pais Aruba y nos recursonan manera identidad Arubiano, terreno, educacion, utilidad, medicina general y seguridad.
- Fomenta e idea di famianan mas grandi cu e meta pa mantene e identidad di Aruba y tambe pa garantiza e acohida social tanto pa nos chikitonan como nos grandinan.

*Biba nos **Papiamento**, biba nos **cultura** y biba **Aruba**!!*

CUATRO: FAMILIA Y JUVENTUD

- Den cuadro di nos pensamentonan cu familia ta e nucleo di e sociedad, mester bay hiba un maneho mas dirigi riba sosten di familia den tarea di educa nan yuinan;
- Pareu cu mehoracion di nos economia y garantizando un entrada husto, mester promove “quality time” den seno familiar;
- Amplia educacion social na EPI cu “trabou pa juventud” p’asina por crea lidernan na nivel di barionan, despues di ora di scol;
- Desaroya cuidu despues di scol di mucha te cu 17 aña.

CINCO: EDUCACION

- Comberti tur scol den centronan di educacion, enseñanza, formacion humano, balornan, conducta y calidad, saliendo for di nos propio situacion y dirigi riba loke nos comunidad tin mester.
- Modernisa y ekipa nos scolnan, mescos cu haci nos scolnan lugarnan atractivo pa nos yuinan;
- Introduccion di Papiamentu na scolnan basico como idioma di instruccion, combina cu otro idiomaan.
- Percura pa e ley di iniciativa ya prepara y ya entrega pa UPP na Parlamento y Raad van Advies, a base di cual e persona cu tin debe di estudio por deduci su interes na IBG/DUO y/of Pais Aruba den su inkomstenbelasting sin restriccion, wordo implementa, pa asina duna personanan aki mas espacio pa sigui desaroya nan mes.

SEIS: SALUBRIDAD

- Dentro di un aña SAN NICOLAS HOSPITAL lo ta un realidad y asina contribui na un mihor cuidu medico pa nos poblacion;
- Hiba un maneho basa riba prevencion y estilo di bida pa asina mehora e calidad di bida di tur ciudadano y na mes momento contene e gasto medico, integrando e cuidu medico un tur dunador di servicio mester ta involvi;
- Introduci e sistema di “basic life support” y fomenta nos isla como “heart save community”;
- Percura pa tur pensionado haya bishita di dokter na cas y distribucion di medicina na cas, sin mester warda oranan largo na oficina di dokter y sin mester pidi familia pa hiba nan dokter of botica, un viejez di confortabilidad y dignidad.

SHETE: NOS GRANDINAN

- Atende e aspecto di AOV den un Dialogo Nacional manera proponi aki riba, y basa riba estudio y cu envolvimiento di ILO yega na pasonan concreto y necesario pa garantiza un fondo cu ta permiti esnan mayor, tambe biba un bida digno;
- Duna incentivonan na doñonan di trabou cu percursa pa “recapitacion” di esnan riba 50 aña y cu ta permiti nan segun nan condicion fisico sigui traha hasta despues di nan edad di pension;
- Bin cu casnan pa nos grandinan di barionan p’asina nan keda mas cerca di familia y alaves introduci ley cu ta regula e casnan di cuidu aki;
- Duna incentivonan fiscal na esnan cu kier keda biba den nan cas, pero cu tin di haci adaptacionnan necesario pa tal.

OCHO: SOSTENIBILIDAD

- Cualquier iniciativa y proyecto mester tene cuenta cu reglanan internacional di medio ambiente, pa asina ey garantiza un desaroyo duradero y sostenibel.
- Prohibi montahe di e molinanan di biento na Uirama.

~

UPP ta priminti tur Ciudadano di Pais Aruba, di lo ta e partner ideal den un gobierno nobo di coalicion y un controlador y defensor incansable den Parlamento di Aruba pa salvaguardia e interes di e Pueblo di Aruba y di cumpli cu e “Pacto UPP - Pueblo di Aruba”. E puntonan aki ta determinante pa un participacion di UPP den gobernacion di nos pais.